

## Bák-chiu pī<sup>n</sup> kap tī-liáu

### Lāi-gōa-kho Khàn-hō-hák Tē 29 chiū<sup>n</sup> Lūn Bák-chiu Pī<sup>n</sup> P.374-377

#### **Kak-mòh-péh-pan**

kak-mòh-péh-pan (角膜白斑, *leucoma*) sī gán-kho chit hāng ê cheng-thâu. Kak-mòh-péh-pan ê khòan-sit, sī **kak-mòh** khí péh-ì, lâi jia bák-chiu ê **tông-khóng**, hō lāng bōe khòa<sup>n</sup>-kì<sup>n</sup> mih.

#### **Hông-chhái-chhiat-tû-sút**

I-tī ê hoat-tō, tiòh ēng chhiú-sút-ê, chiong hit ê **hông-chhái** tām-pòh ka-khí-lâi chòe kang, chhin-chhiū<sup>n</sup> sin ê tông-khóng ê khoán, kiò-chòe hông-chhái-chhiat-tû-sút (虹彩切除術, *iridectomy*; tē 248, 249 tô).

Pī<sup>n</sup> hó liáu-āu, tiòh kòa ũ **chòe-sek** ê bák-kià<sup>n</sup>.

#### **Péh-lāi-chiàng**

Péh-lāi-chiàng (白內障, *cataract*) iā sī gán-kho chit hāng ê cheng-thâu.

#### **Bák-chiu chhiú-sút**

Péh-lāi-chiàng sī in-ūi **chúi-chi<sup>n</sup>-thé** tng lô, lāng chiū chhi<sup>n</sup>-mî. Chit hō cheng, tiòh koah bák-chiu, lâi thèh chhut chúi-chi<sup>n</sup>-thé; āu-lâi tiòh kòa phòng ê bák-kià<sup>n</sup> lâi thòe chúi-chi<sup>n</sup>-thé, chiū khòa<sup>n</sup> òe bēng.

#### **Ti-ì tiām-chēng**

I-seng teh chòe bák-chiu chhiú-sút ê sī, khàn-hō tiòh tiām-tiām, m̄-thang tín-tāng kiā<sup>n</sup> lô, á-sī cháh kng, lâi kiáu-jiáu i-seng.

Bák-chiu chhiú-sút liáu-āu, tiòh kah i tó chhiò-chhiò; chiàu i-seng ê bēng-lēng, ũ-sī sa<sup>n</sup> sî jît m̄-thang tín-tāng, á-sī lóh thô-kha chòe tãi-chì. Tiòh chiong kah khòai siau-hòa ê mih hō i chiáh.

#### **Lék-lāi-chiàng**

Lék-lāi-chiàng: Iáu ũ chit khoán bák-chiu pī<sup>n</sup> ũ-sī òe **tì-kàu** chhi<sup>n</sup>-mî, kiò-chòe lék-lāi-chiàng (綠內障, *glaucoma*). Chit hō pī<sup>n</sup>-lāng ê **bák-chiu-jîn** pì<sup>n</sup>-chiā<sup>n</sup> tēng. Tùi án-ni ũ teh-tiòh **sī-sīn-keng-leng-thâu** hō i pháí<sup>n</sup>-khì, tì-kàu chiām-chiām bû, khòa<sup>n</sup> bōe bēng. Chit-ê kah-siông sī lâu-lāng chiah òe án-ni.

Bak-chiu e po-iong kap cheng-thau

2 bak-chiu pinn kap ti-liau

Ū-sî i-seng ēng chhiú-sút lâi hō̍ i m̄-bián chhi<sup>n</sup>-mî. Tiòh ēng *eserina* ê iòh tiám bák-chiu-lāi.